

WUNSCHZÄDEL

SCHTÄRNEFÖIFI
Text: Boni Koller

Intro: Gm Am7b5 D7

Str: Wämmer zweimal znacht verwacht, dänn isch glii wider Wienacht
 D'Vanessa hät de Wunschzädel drum scho im Summer gmacht
 Sie wünscht sich, dass sie Perle und es Ballchleid überchunnt
 Ganz anderscht d'Valerie, die möcht es Velo und en Hund

Intro: Gm Am7b5 D7

Str: De Wunschzädel vom Tarzan isch churz
 Er wünscht sich nur en neue Ländeschurz
 Im Gägesatz zu däm vo de Grazia
 Sie will nämmllich de ganzi Lade ha

S'git Chind wo dänked, s'beschte Gschänk, das seg im gröschte Pack
 Das schtimmt aber nöd, es händ nöd all de gliichi Gschmack
 Mängisch isch es gar nöd eifach, dass me s'richtige findt
 Aber was Erwachsni bruched, das weiss jedes Chind:

Refr: Zeichnige mit Summervögel und aagmalti Chleiderbügel
 Und mindischtens no vierzäh sälber zogni Cherze
 Sälber gmachti Chuchiuhre, sälber brännti Tonfigure
 Und was bruucht de Lehrer? En Huuffe Briefbeschwärer!

Intro: Gm Am7b5 D7

Str: De Wunschzädel vom Roger isch lang
Wer söll das alles chaufe? S'wird eim Angscht und bang
Au d'Lishte vo de Livia isch kompliziert
Well si all zwei Minute wider gänderet wird

Chli tüür wird's mit em Wunschzädel vom Fritz
Dä möcht es Cabriolet mit wiisse Ladersitz
Vill eifacher de Wunschzädel vom Franz
Dä wünscht sich eifach nur en dicke Häfechranz

S'git Chind wo dänked s'beschte Gschänk...

Ref: Zeichnige mit Sommervögel und aagmalti Chleiderbügel
Und mindischtens no vierzäh sälber zogni Cherze
Sälber gmachti Chuchiuhre, sälber brännti Tonfigure
Und was bruucht de Lehrer? En Huuffe Briefbeschwärer!

Sälber knüpfti Halschette, sälber gfarbt Serviette
und es Mobile us gschmulzne Joghurtbächer
Sälber gmachti Cherzeschtänder, Bilderrähme, Tierkaländer
Und was bruucht de Vater? E Schäreschnitt-Grawatte!